

X  
NAVPACTIADOS,

SIVE

LEPANTADOS

IACOBI MAGNI, Britanniarum,  
*Franciae, & Hiberniae Regis, fidei verè*

*Christianæ vindicis, & assertoris*  
*verè Christianissimi.*

METAPHRASIS POETICA

Authore THOMAMORAVIO Scoto.

*Huic adtexta sunt paucula quædam ejusdem*  
*Thomæ Moravij Schediasmata.*



LONDINI,

Excudebat Richardus Field, impensis  
*Iohannis Nortoni.*

1604.









AD ILLVSTRISSIMVM  
Invictissimumque Principem, Ia-  
cobum MAGNUM, Britanniarum,  
Franciæ, & Hiberniæ Regem, fidei verè  
*Christianæ vindicem, & assertorem verè Chri-  
stianissimum, Thomæ Moravii Scoti*

### Epigramm-Elegia.

**M**AGNE, decus Lauri, Sceptri ingēs gloria, Mundi  
Fama, Britannigenis spes, columénque tuis.  
*Dum tria divino cedunt tibi sceptrā favore,  
Et stupet ad sortem mundus uterque tuam:  
Dum tuus æternum populus tibi letus honorem  
Spondet, & æternam dum sibi letitiam:  
Dum puram, & gratam tibi dat testantia mentem  
Munera, pro oculis splendida quisque suis.  
Dúmque tuas omnis, peregrina, Albináque laudes  
Musa canit numeris officiosa suis.  
Ne nostra ingrato Musa obstupescā veterno  
Visa sit officii non memor esse sui.  
En gratum ingenii meditor tibi munus, & Orbi,  
Et Lauro, & Sceptris congrua dona tuis;  
Hinc Italos, Boios, Cimbros, Belgásque, Alemannos,  
Sarmatiam, Gallos, lūstro Britannigenas.  
Nil tamen in tantis, nil tot succurrit in oris  
Condignum, titulis conveniēsq̃ue tuis:*



Nec cessare libet, pergo: in te sedulus ipso,  
 Quod deerat cunctis, rimor, & invenio.  
 Nempe tuis dignam titulis, mundoque Lepantin,  
 Suaviloquum cunctis delictum populis.  
 Hinc, sibi quisq<sup>ue</sup>, tuam studiis ingentibus ornant,  
 Et cultam numeris exhibuere suis.  
 Quod tamen hanc Latiis nemo exornare Camanis  
 Tentet, & antiquæ cultibus Italiae,  
 Miror: ab incepto terret, puto, fama, sinistram  
 Quam tanti obtutu Principis usque timent.  
 Nominibus pudor est summis succumbere nullus,  
 Victor enim palmam, victus habetq<sup>ue</sup> suam.  
 An quia quadrupedes superat Leo nobilis omnes,  
 Non honor ingenuo dignus habetur equo?  
 An quia Rex pennis, animis, acieq<sup>ue</sup> volucres  
 Vincit, ad accipitrem gloria nulla venit?  
 Magna quidem Soli, magna est quoque gloria Luna,  
 Stella, minor licet est gloria, nonne micat?  
 Nec decet hac celebri claros ætate poetas  
 Attonitos titulis obstupuisse tuis.  
 Maonides magnum, fateor, debebat Achillem,  
 Æneam & solus carmine Virgilius,  
 Solus Alexandrum calo expressisse Lysippus,  
 Appelles pictâ solus & effigie.  
 Si tamen hi studio segnescant de side, segnes  
 Quid vetat hos rudibus submonuisse modis?  
 Hos ego (vana meanon quod fiducia Musa  
 Adsit, abest animo gloria vana meo)  
 Excito, cen doctos malè doctus Tiro magistros  
 Ad doctum indoctis ausibus urget opus.  
 Sic rudis incultam Latio centone Lepantin  
 Dum paro, languentes excito Virgilios:



5

*Forsan & Accipitres, & Equos, Stellasq; videbis  
Impulsu erectos non rubuisse meo  
Te sub Sole, Aquilâ, sub teq; Iacobe, Leone  
Cantare Ausoniam, Magne, Lepantiadem.  
Digna hinc spe, lauro, & mundo, quæ Musa nequibat  
Nostra, dabit titulis hæc aliena tuis.  
Nostra tamen placido sume hæc conamina vultu,  
Confiteor volui multa, nihil potui.  
Des animos, Leo: Sol, lucem: Rex aliger, alas:  
Sic dabo, quæ volui: non dabo, quæ potui.  
Sic, Leo: sic O Sol: Aquila, O bene vive! Leoni  
Et Solem adjungas, Rex, Aquilamq; tuo.*

---

### *Ad eundem Epigramma.*

**M**AGNUS ut ad magni tumulum pervenit Achillis,  
Magna admirator maximus Iliados.  
Fortunate, inquit, juvenis, tuba maxima laudum,  
Aurea Maonida cui data Calliope.  
Pace tamen Magni mihi dicere fas sit: Achillem,  
Nec fortunatum censeo Maonidem.  
Fortunatus enim nemo est, aliunde beatis  
Qui miser exquirat materiam titulis:  
Quod canit hic, gerit ille: canat ni, quod gerit ille,  
Est nihil: ille gerat ni, canit iste nihil.  
Nempe deest isti Mars, illi Musa, coronat  
Qui fortunatos junctus uterq; viros.  
Fortunate O Rex, cui Musaq; Marsq; dederunt,  
Iste, canenda geras: illa gerenda canas.



Ad Heroas Christianos hoc Poe-  
mate indigetatos

Aliud.

**R**eliquias flammæ, Trojanaq; rudera, Magnus  
Lustrat Achilleum dum Macedo tumulum.  
Si fortunatum magnâ proclamat Achillem  
Voce, canas numeris hunc quòd, Homere, tuis.  
O fortunatos! quibus una est gloria, summi  
Vatis & ore cani, Regis & ore coli.

*Prafa*







## *Præfationis Regiæ ad Lectorem* Metaphrasis.



Æpenumero accidit, ut mortaliū actiones contrarios omnino auctorum consiliis eventus sortiantur: atq; hoc quidem, amice lector, in Naupactiade mea experientiā edoctus nō ita dudū depræhendi: Ea etenim licet nondum typis excusa in publicum prodierit, surreptitiis tamen exemplaribus, in scio certè, & invito me, divulgata in manus hominum pervēnit, & quòd præfatione non præmuniretur; perperam & sinistra à quibusdam nonnullatenus est excepta. Enimverò præfationem mihi consultò omittendam duxi, ne eruditi lectoris ingenium ad hoc rude opusculum absque commentario capiendum imprudenter, tanquam minus idoneum redarguere, atq; inde injucundam, ac ingratam totius Poematis lectionem reddere in ipso statim limine viderer. Sed contrà accidisse video: nonnulli enim de nostro per præfationem consilio non præmoniti, eo quadamtenus perperam accepto, aut detorto, rem omnem in deteriore partem arripere non rubuerunt. Et cum non ignorem hoc in primis improbari, quòd mercenarii Poetastrī instar, nullā nominis, aut religionis, quam profiteor, habita ratione, ex professo nothum, eumq; Papanum hominem laudibus efferam, exposita hujus Poematis tum naturā, seu genere; tum methodo, seu ordine; imperitum lectorem errore suo extricare, cæteris autem omnibus omnem



An. Chr. 1585.  
Ætatis Re-  
giæ. 18.

cavillandi ansam præcidere hîc decrevi. Poematis hujus genus, seu naturam quod attinet, argumentum est à minori ad majus poeticâ collatione copiosè illustratum. Atq; ad hoc quidem elucubrandum per occasionem scelestæ illius conjurationis, & sanguinariæ in Orthodoxos per universam Europâ concitatae persecutio- nis adduci me sum passus: eâ certè primùm fervente, poema hoc qualitercumq; à nobis exaratum prodiit, quod nostra illa postremis versiculis sub calcem hujus opusculi ad afflictos Evangelicos adtexta *πρωτεψις* perspicuè evincit. Quâ etenim per Gallias æstate nefarium illud Fœdus primò est promulgatum, eâdem noster hic labor & inchoatus est, & consummatus. Cantici hujus ordo, seu methodus hæc est. Operi universo præmissa est poetica præfatio, in qua nec nomine, nec periphrasi Iohannem illum Austriacum exprimo, quod profectò factum oportuit, si poema hoc in ipsius laudes concep- tum prodiisset, ad exemplum Virgilij,

*Arma virumq; cano.*

Et Homeri,

*Dic mihi Musa virum.*

Quos imitari, si consilio id nostro quadrare potuisset, neutiquam sanè puduisset. Præfationem excipit non Divarum & Divorū (in quorum adulterinum, ac com- mentitium honorem bella omnia Austriacus suscepit) sed veri unius Dei invocatio. Huic subjuncta est Poetica collationis nostræ historia, in qua pictoris instar, effigie primùm leviter adumbratâ, mox vivis coloribus, lumi- ne, & umbris absolutâ, promiscuis rerum gestarum cir- cumstantiis, prout artis Poeticæ leges ferunt, nonnun- quam addo, nonnunquam etiam, ubi commodum vi- detur, detraho. Poeticam hanc comparisonem con-



continenter excipit Angelorum Canticum, in quo præmissam comparationem afflicto tum Ecclesiæ statui accommodo, arreptaq; inde occasione, paucula de religione confidenter profiteor. Postremò totius poematis Epilogus novissimis octo versiculis scopum, & finem mihi propositum perspicuè declarat, meumq; à minori ad majus comparatorum argumentum ita planè, & plenè explicat, ut ista persequi citra pudendam ταυτολογίαν sit nefas. Tandem ut rem omnem in pauca contraham, quantumcunq; Johanni Austriaco honorem hîc vindicamus, ejus tamen in hac palmâ obtinendâ, non tanquam primariæ, aut secundariæ causæ, sed tanquam privati hominis, historica veritate ita exigente, meminimus: nam ut à nostra dignitate alienissimum est, cujusvis mortalis laudes mercenario stilo decantare, ita certè infra fortunæ regiæ apicem est, ac fastigium, cujusvis mortalis vel amore, vel metu à scribenda, aut profitenda veritate vel tantillum dimoveri. Iam prolixior hanc, amice lector, Apologiam, ad quam non meo genio, sed necessitate quadam impulsus sum, boni consule, & Vale. *Edinb. Prid. Cal. Maias. 1588.*









# Naupactiados Regiæ,

## Metaphrasis Poetica.

*Adm. Bib.*

**G** *Est* Dei *miranda cano*, Bonitatis ab alto  
*Insignem Miserantis opem*; revolubilis axe  
*Ætheris effusas Iræ indignantis habenas*;  
*Armaq;* & horribilem duro certamine Martem,  
*Commisssaq;* acies; dubiisq; furentia signis  
*Agmina*; sanguineum miserando funere pontum;  
*Vulnera multigenis cumulata horroribus*, ardent  
*Fortè Corinthiacas dum bella insana per undas*,  
*Infestisq;* fremunt armis, recutita profani  
*Hinc Selimi turba*; hinc Christi mundata lavacro  
*Sanguineo sordes acies qua pellit avitas*.  
*Une Deus*, tu trine Deus, ter hypostasis una,  
*Tres simul æterni*, tres omnipotente coequi  
*Numine*; personis, mirum! O Deus une, ter unis.  
*Omnipotens genitor*, supplex tua numina posco  
*Per Verbi*, Natiq; tui venerabile nomen,  
*Primus in ætherias*, jus imperiumq; phalanges  
*Qui tenet*, & studio peragit tua iussa fidei,  
*Huc ades*, O! nostros supra hæc mortalia sensus  
*Effer*, & invalidam Sacro Spiramine musam  
*Imbue*, qua terras cantet tua gesta per omnes.

*Tempus erat* (sed adesse Deo nos nulla putamus  
*Tempora*, nam lapsis præsentia, lapsa futuris  
*Non variataruunt*: at terras perpete Phoebus  
*Lampade collustrans*, alienis splendida flammis  
*Lunaq;* perpetuis redeuntia tempora giris



*Incerto, ast certo pariunt, variantq; meatu:*

*Hora, dies, noctes, veniunt hinc mensis, & annus,  
Pérque vices redeunt. Sed mens humana, profundis  
Corporeæ quæ molis hebet fuscata tenebris,*

*Ut nequit æternas acie discernere leges,*

*Suevit ad humanum divina affingere sensum )*

*Quum Deus Angelicis, visu mirabile ! turmis*

*Cinctus, & ad dextram Christo insignitus Iesu*

*Iam summa Empyreï celebrans prætoria cæli*

*Undique diffuso clarus fulgebat honore.*

*Interea cautus scelerum fabricator, & Orci*

*Luridus impostor, fallax veterator, Adamæ*

*Stirpis, & infandus Superùm sese ingerit hostis.*

*Haud mora, Christicolùm sortem miseratus iniquam*

*Androtheos, monstriq; feri commenta perosus*

*Talibus immanem petit indignatus hyenam.*

*Non artes, astus-ve tui; non subdola fallunt*

*Consilia, ut magnâ Byzanti, Impostor, ab arce*

*Iam venias, tumidis sponte insultantia Turcis*

*Pectora, jam rabidas & ut inflammari ad iras,*

*Nepopuli pars ulla mei, qui diu veretur*

*Numina, sacrilegos Turcarum evaderet ausus.*

*Quò tandem, Pater, usque tuos eludet acerbis*

*Barbaries Otomanna malis, ut cæde piorum*

*Letus, & immani Satanas de clade triumphet.*

*At contrà, hæc Satanas. O quàm pietasq; fidesq;*

*Turcigenùm fumo, Zephiriq; est vanior auris,*

*Christicolùmq; simul ! numquid certatur utrinque,*

*Quis magis a verso recti de tramite cursu*

*Devius in vetitos flectat vestigia calles ?*

*Numquid & infamem vitis tu juris utrumque*

*Permittis, Deus, esse mei, securus ut illos*



*Arbitrii pro lege mei rapiamq̃, ruamq̃?*

*Tum Pater ætherius, rerum cui summa potestas,  
Cujus ad exiguum tremefacta cacumina nutum  
Montibus insiliunt, minima qui accensus ab ira  
Scintillâ, horribili trepidas stridore cavernas,  
Antrâque, & effractis terræ compagibus, ima  
Fundamenta quatit, vocis qui flamine totum,  
Materiâ, mundum, nulla præeunte, creavit:  
Ille trahens calido fremebundas pectore voces  
Talibus intonuit. Licet, Immanissime rerum,  
Eloquii cum luce mei, commenta cerebri  
Christicolûm pars magna sui commisceat, omnes  
Attamen unanimes Christum amplectuntur Iesum,  
Nunc odijs absiste, meos non inde licebit  
Christiadas brutis truculenti exponere Turcæ  
Ausibus, ut mea vis memorandaq̃ gloria nostri  
Nominis immensum pateat diffusa per orbem.  
Ergo, satellitii Princeps fidissime nostri,  
Qui populos mundi varios, divisa Monarchis  
Regnâque, & innumeras, Gabriel, lustraveris urbes  
Nuntius ætheria celi demissus ab arce,  
Nunc Venetûm maestam remea festinus in urbem,  
Occultâque animis infunde silentibus iram,  
Ut memores, quæ damna Selym, quæ funera victor  
Edidit, & quantis cumulavit stragibus urbes,  
Funera funeribus, damnis quoque damna rependant.  
Non ita pernîci vacuum per inane volatu  
Horridus invehitur Boreas, juga summiâque præceps  
Perflat, & excussâ glomerans proludit arenâ.  
Quàm soboles alata Dei, cui sola voluntas  
Sufficit instructas pennis properantibus alas.  
Urbs jacet Adriaci tumido circumsona fluctu*



# 14 Naupactiados Regiæ

Æquoris, Ausonio distat quæ littore quinque  
 Millibus, undantes propter maris undique fluctus,  
 Esse tamen Superi cui non licet insula ponti:  
 Unde situs Marci summa ad pinnacula templi,  
 Fluctibus in mediis solida tellure vacantem,  
 Sed tamen immotam stupidus miraberis urbem.  
 Nempe, quod impatiens terræ Natura negavit,  
 Hoc studiis humana suis solertia tandem  
 Præstitit, undanti maris indignantis in æstu  
 Defixa & trabium silva, condensa locavit  
 Fundamenta, maris domitrix quæis leta superbit.  
 Hic spatiosa, foro celebris, patet insula; Marci  
 Tutelare præit numen: præfulget honore  
 Dux vigil, & socio moderatur cuncta Senatu.  
 Hic Thetidis furias, tumida sç, ut mulceat iras,  
 Annua solenni pangit sponsalia ritu.

Hanc ubi Dædaleam Princeps descendit in urbem  
 Angelus, humanos habitus, vocemq, colorémque  
 Accipit, & tacitus fluitantia permeat urbis  
 Compita, cùm studiis clarus pietatis, & equi  
 Civis oberrantem alloquio remoratur amico,  
 Cui Gabriel tales promittit de pectore voces.

Quid geritur? quid adhuc ignava per otia vitam  
 Perdimus? immeritos numquid noctesque, diésque  
 Effera vis Selymi vexat? permulta Ducúmque  
 Exanimata jacent Mavortia pectora? numquid  
 Turcicus obstructas tenet obsidionibus arces  
 Miles, & assiduo miseros premit undique luctu?  
 Eia age, quin mediis vitam sortimur in armis?  
 Iam pudeat cessasse: Deus conatibus usque  
 Fortibus, & ceptis favet usque audacibus. Hæc ut  
 Dixit, in ætherias fugiens evanuit auras,

Consi.



Consilij sed fama omnem diffusa per urbem  
Fertur, & argutas ubi plebi irrepsit in aures,  
Hausta semel, placuit cunctis; postrema Ducemque  
Impulit, & summâ mirum gravitate Senatum,  
Concussitque animos, bellique reduxit amorem.  
Interea vario jactata Venettia planctu  
Contremittit, ut Turcam bello frenare superbum  
Iam nequit, ut Cyprus longum oppugnata profanis  
Hostibus in prædam cessit, vastataque ferro  
Regna procul Latiae distantia finibus ora.  
Obstupet hic tandem, tandemque (novissima cunctis  
Quæ superest medicina malis) ubicumque per orbem  
Christicolum sacros templa instaurantur ad usus,  
Impetrat assiduis precibus divina vocari  
Numina, quæ tristes solvant miserata dolores.  
Iam celum Venetus pernoxque, & per diem unum  
Spectat, & indocilem jejuno verberare carnem  
Castigat, querulisque Deum succumbere votis  
Sollicitat: gemitu taciturna silentia noctis  
Exagitata gemunt, miserè totamque per urbem  
Singultus, planctusque sonant, & lumina luctus  
Tristibus obscurat lacrimis: mærorque, dolorque  
Prosternunt validam periniqua morte juventam.  
Femina, sopitis exsanguis frigore nervis,  
Semianimis prostrata jacet: palmarius infans  
Ubera demulcens lacrimoso undantia lacte  
Ut videt abjectam, lamentantemque parentem,  
Hanc sequitur luctu docilis consorte, piusque  
Commovet attonitas trepidis vagitibus auras.  
Nobile quinetiam genus aversa juvenus  
Pallida lugubri vestita incedit amictu.  
Quin lacrimis, gemitu, planctu, mæroribus horrens



*Sol stupet, oblitus mundi, auctorisque, sui que,  
Oceani tremulis citior se condit in undis.*

*Non semel infamis tenera cum Matre Cupido  
Obrutus innumeris, gravibusque doloribus, audet  
Flammiferas vibrare faces; non tela, nec arcum  
Tangere: Circumeunt ceu spumea fluctibus urbem  
Æquora, cæ liquidis vicos mare pelluit undis,  
Sic mediâ suspensa domo laquearia tristis  
Fletus, & auratos lacrimosum flumen honores  
Obruit. Horrisse veluti mare murmure fluctus  
Concitat, & furiis resonantibus astra laceffit,  
Sic domus interior miseris plangoribus, omnis  
Testudo Empyreï resonâtque altissima celi.  
Musa, dolor! dolor! infandos, mea Musa, dolores,  
Et tremulum mihi siste pedem, ne impulsâ querelis  
Ilia rumpantur, lacrimis quoque vena redundet.*

*Hic status, hæc Venetos fortuna miserrima cives  
Obsidione premit, Solio cùm missus ab alto  
Angelus ætherius, populûmque, Ducemque, Senatûmque  
Incitat acceptas bello reparare ruinas.*

*Nec mora Christicolas in fœdera sancta Monarchas  
Sollicitare labor fervet, qui classe, virisque  
Se sociant, armisque doment communibus hostem.  
Hinc stabili tandem bellum jurata profanum  
Sacramenta fide sanxere; piûmque Monarchæ  
Conceptis fœdus verbis pepigere futurum,  
Dum Turcis, Christi que piis infesta manerent  
Bella, sed ut certo gererentur bella paratu,  
Vere novo placuit per Eoi marmora ponti  
Classem turrigeris validam concire carinis.*

*Ergo vacaturi studiis Martisque, marisque  
Messanæ procures, ingentia nomina, tandem*



*Adveniunt, sociisque parant communia curis  
Austriades quinti soboles Mavortia Carli  
Armorumque, virumque caput: Martisque propago,  
Et Veneris Venetæ magnus Venierius urbe  
Ductor: & afflictis Genuæ certissima rebus  
Anchora, terribilis rapido Neptunus in alto  
Aureus; & Romæ columnen, bellique Columna.  
Hic ubi congressi, longis sermonibus ista  
Addidit Ascanii sapientia provida Corni.*

*Magnanimi, fortesque duces, armisque potentem,  
Numquid & instructam generoso milite classem  
Ducitis? Heroas quæ causa indigna paratos  
Cominus infestis prohibet concurrere signis,  
Fortuneque rotis dubium concedere Martem?  
Non tanta adversum funesta pericula bellum  
Afferet, & tristis, prohibete o Numina! clades,  
Quanta reportatis victoria læta triumphis  
Commoda: cum nostris jam nulla gerantur in oris  
Bella, quid infaustæ metuenda est alea pugnae?  
Quin quoque non duræ famis insuperabile telum,  
Non lue tabificæ pestis grassatur in hostem,  
Solvit & immani miserandam funere classem.  
Nostra nec adversæ numero, nec viribus impar  
Classis erit: quæ vos igitur nunc iusta moretur  
Causa, Duces? jam jam totas effundite vires,  
Solvite corde metum, remorque abrumpite crimen  
Causa iubet Superos melior sperare secundos.  
Hoc tamen, O Proceres, animis advertite, certo  
Ordine, vos certis disponite legibus arma,  
Vela, virosque simul, studiis confusa priusquam  
Agmina terribilem temerè effundantur in hostem.  
Sin minùs, hanc seriem differtis in horrida belli*



*Tempora, magnanimos horrore videbitis atro  
 Attonitos pallere Duces, turbata tumultu  
 Castra ruent; licet ignari discordibus omnes  
 Præcipient facienda sonis, ignota Ducisque  
 Munera, vix notis tyrunculus arroget armis.*

*His dictis animos belli inflammavit amore,  
 Nec mora, quemque suum munus rapit, armaq; leti  
 Expediunt, quâ quisque potest accingitur, & jam  
 Anchora fundatas solvit resoluta carinas.  
 Dorica Tyncharidos quondam indignata rapinam  
 Classis, & Iliacos bello eversura Penates  
 Non animis, manibus, rigidis-ve aquaverit armis.  
 Huc usto & sterili perdives Iberia saltu  
 Contulit egregios invicti Martis alumnos  
 Mille quater geminos, quæis dura per omnia virtus  
 Compositis pugnare animis, manibusq; superbo  
 Atque alienigenas cili contemnere fastu.  
 Itala fecundis tellus placidissima campis  
 Huc quoque transmisit validas, bis sena, phalanges  
 Millia, quæis mirum est argute mentis acumen,  
 Ingeniumq; capax fandi artibus, atque nefandi  
 Sopitam incauto vindictam afferre sodali.  
 Misit hyperboreis tria millia Teuton ab oris,  
 Est hominum venale genus, belliq; ferendis  
 Impetibus, nulli virtute, aut viribus impar.  
 Huc quoque, quos pietas, & inexsaturabilis horror  
 Turcigenum vario mundi concivit ab axe,  
 Sponte suâ portum tria confluxere sub unum  
 Millia. Non hominum numerosis viribus impar  
 Classis adest: adsunt ingenti mole triremes  
 Octo & bis centum: & toto miracula ponto,  
 Centauri sex immmani compage minantes.*



*In cælum: doctiq; Notos anteire furentes  
Vasta quater deni per Tethyos arva phaseli;  
Viginti & quina vasto fundamine puppes  
Commoda castrensem, vectant genialia cellam.*

*Ergo ubi jam portus fidâ statione relictâ  
Trudibus in vastas pelagi propellitur undas  
Classis ovans, ardor magno certamine fervet  
Nauticus, hic alii subito conamine funes  
Expediunt, celeriq; pedem pede ferre laborant.  
Hic alii antennas summa ad carckesia ducunt,  
Et placidis implent fluitantia carbasa ventis.  
Parte alia ductis remex ad pectora, tonsis,  
Incumbit transtris, & lento verbere fluctus  
Summovet invitus, scuticæ cui pronus habenis  
Instat, & abstrusas languenti à pectore vires  
Elicit increpitans plagisq; minisq; magister.  
Eruta finduntur crebris Neptunia sulcis  
Æquora, & à fundo impulsis freta fervida remis.  
Versa ruunt circum latè spumantibus undis,  
Sulfureo scloppum exonerat sclopparius igne,  
Horrificoq; quatit tonitru mare plumbeis imber.*

*At Draco, Tartarei monstrum lethale baratri,  
Cui lites, odiumq;, & bella ferocia cordi,  
Vidit ut unanimes armari in praelia, neçtit,  
Quâ potis est vaser arte, moras: rixisq;, minisq;  
Christicolas inter jacet immanissima belli  
Semina, sed Procerum prudentia rara, Ducisq;  
Pervigil ingenium pravæ melioribus artes  
Artibus elusit, stygio emissasq; baratro  
Dissidii primo flammæ exstinxit in ortu,  
Compositos docuitq; animos, æterna caducis,  
Publica privatis præponere commoda rebus.*



Protinus in primas Selymai littoris oras  
 Fama volat, monstrum quâ non deformius ullum,  
 Illa ad supremæ ventosa cacumina turris  
 Excubat insomnis semper vigil, obvia sensu  
 Cuncta ardens fallace rapit, Zephyrôque procace  
 Ocyor excurrrens facta, atque infecta referre  
 Præco loquax gestit, permenso & garrula mundo  
 Vana magis solidis præfert, commentâque veris.  
 Hæc jam multiloquis Turcas rumoribus implet  
 Christigenas coisse duces, aciémque coactam,  
 Quæ paret acceptas bello sarcire ruinas.

Ut primûm hæc patuere, citus speculator in altum  
 Mittitur; instantem simul exploravit ut hostem,  
 Regreditur portum, certo rêmq; ordine totam  
 Apperit, at numero se, mox Selymûmq; fefellit.  
 Quippe ubi Christiadas in ita ratione cohortes  
 Supputat, inventus vero leviôrque, minôrque  
 Colligitur numerus, vano inde superbia fastu  
 Turgida perfudit Selymo præcordia fastum  
 Contemptus comitatur iners, securâ malique  
 Segnities, pestis, qua non funestior ulla,  
 Magnâque per paucis subvertere castra manipulis  
 Doctior, hæud Ducibus concepta impunè superbis.  
 Exin vela dari, classêmque edicit in æquor  
 Detrudi Selymus; pro vecta, urbésque, sinúsque  
 Remigio superans, unco fundata bicorni  
 Tota Corinthiacis tandem considit in oris.  
 Iam Messanæam Christi cùm exercitus urbem  
 Appulit, auratos blandis decorabat aristis  
 Flava Ceres campos, ridenti messe lacesens  
 Falcibus armatos segetem tondère colonos:  
 Iam quoq; u' pomorum gravibus proventibus arbor



Stipite succiduo nutabat onusta: recoctis  
Puniceus ramis, nullo quassante, cadebat  
Imber: & in letos Bacchi genialis honores  
Ad numerum rudibus se conglomerabat in orbem  
Motibus agricolûm chorus, oppressûsque Lyæo  
Torpida in exanimem solvebat membra quietem.  
Martia sed Siculo cûm classis in æquora portu  
Solvit, & Oceano se credidit, arva rigeant  
Fœtibus orba suis, squalibat pampinus uvis  
Pallida calcatis, fame languentesq; cadebant  
Exsuccis frondes ramis, & marcida valles  
Implebat membrana: novus revocabat arator  
Sub iuga desuetos arva ad renovanda juvencos.

Iamque propinquabant acies, multûmque fremebant,  
Præcursor cûm promptè animos Venierius addit  
Ingenuo, mendace tamen rumore, profanas  
Nempe sagax decies quinas formidine victas  
Præcipitante fugâ monet evasisse triremes.  
Christicolis famâ hac Martis furiosa cupido,  
Bellandique accensus amor, spirantibus acrem  
Pectoribus Martem, subeunt sinuosa Corinthi  
Æquora, Mavortique parat se quisque propinquo.

Atque ea diversa penitus dum parte geruntur  
Iam pater Omnipotens, acie qui providus acri  
Singula dispiciens, fatorum præscius auctor  
Destinat, inque suas constanti tramite metas  
Dirigit, a strigero terram spectabat Olympo:  
Hinc comes arridens hilari Clementia vultu,  
Inde supercilio, rugisque Astræa protervis  
Assidet, hæc Domini languentes asperat iras  
Continuò, gravibûsque monet commissa piare  
Crimina suppliciis, gemitu, lacrimisq; replere



*Intima tecta, vagis tristisque ululatibus agros.*

*Altera sedato patrii succendit amoris*

*Alloquio flammæ, iratæq; pectora mulcet.*

*At Deus adversam placidâ moderatur utramq;*

*Temperie, laxas iratæ effundit habenas*

*Iustitiæ rarò, Bonitas viget, atque vigebit*

*Integra, non ullo sæclo interrupta, nec ævo.*

*Quin quoque, quâ mundi discordia crimina pendit,*

*Æqua est libra Deo, Bonitas hanc prona ministra*

*Porrigit, & precibus supplex ardentibus urget,*

*Vt Mahometicolûm perpendere crimina iudex,*

*Christicolûm trutinâ simul & dignetur in una.*

*Hæc ubi perpendit, vergens examine prono*

*Lanx Mahometa piis gravior præponderat, unde*

*Irarum indomitos animum commovit in æstus*

*Turcarum impatiens, horrendum infrenduit ore*

*Omnipotens, pallore ingens stupefactus Olympus*

*Contremuit, tellus penitis agitata latebris*

*Horrui, attonitus fundo mugivit ab imo*

*Oceanus, summo trepidarunt vertice montes,*

*Horrida q; obscuris Plutonia regna cavernis.*

*Ergo ubi purpureis tenebras Aurora quadrigis*

*Dispulit, atque diem jam jam cassita propinquum*

*Nuntiat ore canens tenui, vultumq; sequaci*

*Instabilem pelago demergit Cynthia, pulsus*

*Cæruleum Titan nebulisq; inducit Olympum,*

*Immane horrendi signum Mavortis, Iberus*

*Sanguineum mali vexillum in vertice pandi*

*Imperat. In celebri velut urbe Aurora cubantes*

*Cum citat artifices, sua quemque ad pensa: labori*

*Quisque suo parat arma: libris elementa futuris*

*Chalcographus jungit: vivum referentia pictor*



Commiscet pigmenta: faber sub cote securim  
Impiger exacuit, nunquam cedente retusas  
Asperat hic acie limas: hic arida subdens  
Nutrimenta suis vitriarius ignibus, audax  
Ignea perpetuam vocat in certamina Vestam,  
Planitiemq; dolat latomus rude marmor in aquam.  
Sic ubi Christiadum pugna manifesta cohortes  
Signa dari advertunt, premit exsultantia palmam  
Corda referre decus, vel certa occumbere morti.  
Expedit ignivomos Vulcania secta labores,  
Fulmina, & indomitum domitura tonitrua pontum:  
Hic gladios polit ancipites, flammamq; vomentes  
Cotibus, hic nervis arcus, jaculisq; pharetras  
Instruit electis: poliunt thoracas, ahenis  
Constringuntq; hamis alii, sua carbasa nautæ  
Accelerant agiles: discors viresq;, animosq;  
Extorquet clamor subterq;, superq; ruentum.  
Haud aliter fremitu mussant examina denso,  
Cum festina favos, & dulci nectare cellas  
Distendunt: proprio distincta emblemate cernas,  
Ut Zephyrus vexilla furens, ut aplustria gaudet  
Ludibrium vacuo fluitantia prodere cælo.

Nec minus ingentes volvebat pectore curas  
Austriades, non tantum alios tormenta, rudentes,  
Fatiferiq; enses, arcus, celeresq; sagittæ  
Exagitant, acie quantum forma illius angit,  
Ambiguanq; trahit studia in contraria mentem.  
Ast inito celebri tandem Procerumq;, Ducumq;  
Consilio, placuit rediviva ad cornua Lunæ  
Curva tripartito ducibus disponere classern  
Ordine. Jam mediæ robur, validissima, belli,  
Agmina, ductor agit Princeps. Genuana juvenus,



*Et dextri regimen cornus cessere Columna,  
Lævaq; belligerâ ducit Venierius arte.*

*Sic ubi Ductor Iber aciem digesserat, omnem  
Remigio classem circumlegit, ardua primis  
Pectora succendit ducibus: quin, nomine quemquam  
Dignatur stimulare suo, memoriq; precatur  
Expendant animo, quàm iusta, & sancta coactos  
Causa pios moveat sceleratam exscindere gentem,  
Quantus honos fuso redimendus sanguine, merces  
Quanta manet victricem aciem: redimenda piorum  
Agmina servitio quot &, heu! quantumq; Tonantis  
Gloria conflictu subeat discrimen in uno.*

*At Mahomaticolûm ducat si effræna triumphum  
Barbaries, victis Christo credentibus, addit  
Vincula, & horrendis ergastula lurida pænis,  
Torquendis longo captis fabricata dolore.  
Vocibus his, gestuq; alacri, vultuq; sereno  
Christicolis Princeps oculos, auresq; animosq;  
Omnibus erexit; palma hinc præsaga future  
Vox oritur cunctis magno, Victoria, cantu.*

*Turcicus haud aliâ prœdit exercitus arte,  
Quem duo, barbarico dicti de nomine, Bassæ,  
Imperio frenant; Alio maris alea certo  
Obtigit imperio, sors est tua, Portave, tellus:  
Hi medium belli ducunt, duo fulmina, Bassæ,  
Agmen, & indomitas Ochial in læva cohortes  
Cornua: tu dextras moderaris, Beie, phalanges.  
Ergo ubi Barbaricos aciei, classisq; paratus  
Lustravit, tali est Alius sermone loquutus.*

*Si, Iuvenes, prima repetens ab origine pandam  
Secula quot semper victrix Otomanna peregit  
Progenies, dextra quoties domitrice rebelles*



Christicolūm dignis repressit cladibus ausus,  
 Et quantis, vos! vos! dudum sopita novantes  
 Prælia semiviros fudistis stragibus hostes:  
 Quis, precor, ardenti pectus non æstuet irâ,  
 Cum pulsos videat semper, semperq; subactos  
 Ardua semiviros audere in prælia, nobis  
 Et partum extorquere decus? victoria largam  
 Ista dabit prædam: quæcunque Eurôpa capaci  
 Divæ habet gremio, patrias referetis in oras.  
 Sin acie fusos, victosq; everterit hostis,  
 Infames spectate cruces, tormenta, dolores,  
 Et misera varium mortis genus, antè subactis  
 Quæ mala Christiadis vestra inflixisse libido  
 Gestit, hæc eadem multo cumulata rependent  
 Fœnore: quæsitam benè famam infamia turpis,  
 Infandus laudem pudor, ingens gaudia luctus  
 Obruet, & nullis revirescet gloria sæclis.  
 Nunc animis opus est: enses, hastilia, glandes  
 Diriget instantes divus Mahometus in hostes.  
 Sed tamen hoc vereor, dum vos in bella ruentes  
 Vocibus his teneo, Christi tremefacta capeffant  
 Castra fugam. dixit, fremitu, plausuq; sonoro  
 Grata Ducis cunctæ testantur verba cohortes.

Phæbus ut adverse instructis micuere phalanges  
 Ordinibus, nitidis aciei splendescit in armis,  
 Fulgurat, & rutilans liquido tranantia ponto  
 Squammea percellit tremulis examina flammis.  
 Bellatorq; pius radiorum luce coruscans,  
 Turcigenis, hebetat, multum indignantibus, ora.  
 At regnis magis ipse suis volucrisq; levisq;  
 Æolus aspirat constanti flamine Turcis,  
 Congressum tamen; O bonitas miranda Tonantis!



*Anticipans paulò, fidus se transfuga fidis  
Jungit, & infestis primus jaculatur in hostem  
Flatibus: agnoscunt palma præsaga Fideles  
Omina Bellipotens cæli proponere Numen.*

*Oceani interea quatefacta palatia terrent  
Horrida raucisonis tormenta boantia bombis.  
Bellonamque in bella vocant, rapidumque Gradivum  
Ignivomo procul ore: tubæ clangentis abenus  
Præco citat cunctos, Martisque inflamat amore.*

*Hem! quid? egon gestas acieres, singula belli  
Momenta incultis depingam versibus? ac si  
Spumantem tetro vidissem sanguine Martem,  
Terribilemque, potens qui jura, & fræna, Tonantem  
Dat Marti insano: procul! O procul absit! in ipso  
Qui bellifervore manus, mentisque furebant  
Indomiti, vivam si quando effingere tentent  
Historiam, victi rerum sub mole fatiscunt.  
Huc tamen audentem cum me temerarius ardor  
Traxerit, auspiciis Domini, placidisque legentum  
Plausibus erectus, concursus carmine duos  
Persequar, ut Phæbi radiis percussa colorem  
Corpora Phæbeum referunt, sic forsitan umbram,  
Signaque gestarum referent mea carmina rerum.*

*Hæc data Christicolis ubi bella est tessera, jam sex  
Centauri visu immanes, qui prima ruentis  
Cornua firmabant classis, pelluntur in hostem.  
Ut primum ignito concepit fomite pulvis  
Sulphureus flammam, rimæque illapsus ahena  
Turbine terribili penetralia tormentorum  
Excutit, horrissona tonitru cælum omne remugit,  
Astræque commotis resonant excussa quadrigis:  
Eumæa caralcas atronox sulphure nubes.*



Obruit, insanis tempestas seua procellis  
Irrumpit: clavorumq̃, uncorumq̃, globorumq̃,  
Atque cathenarum volitantum ferreus imber  
Ingruit, & Selymas ingenti strage cohortes  
Involvit: tantis mistus reboatibus atrox  
Clamor, singultus, planctus, tristisq̃ ululatus  
Vulnere stratorum, diversa & morte cadentum  
Aëra luctifono percellit murmure, Pontus  
Ipse tremit, vitrei, cives, pinnata, profundi,  
Agmina, concussam effundunt formidine vitam:  
Cuncta licet gelido tremarent horrore, metuque,  
Non metus, horrifonisq̃ fragosa tonitrua bombis,  
Non clamor, non singultus, tristesq̃ ululatus  
Fregere ardentis Turcis audacibus iras.

Quin animis, armisq̃ truces inflicta laborant  
Solvere damna Pius. Tonat ingens ore sonoro  
Machina, sulphureo vacuatus pondere stridet  
Horrendum tubus, Austriadas ita cadibus implet,  
Cesa repugnantes ut adaequet turba cohortes,  
Adria sanguineis ut turbidus aestuet undis.

Non tamen hanc placidam fortuna volubilis auram  
Turcigenis dedit esse diu. Tormenta boatu  
Christicolum crebro eructant lethale volumen,  
Quod praeceps, rapidoq̃ evertens obvia pulsu  
Obvallat stygiam numerosa morte paludem.  
Portitor haud animas unus, non una profanas  
Cimba capit, gemat usque licet sub pondere, multam  
Accipiatque frequens stagnantem immersa paludem.  
Dum natum pater hortatur, mox ferrea tundit  
Sphaera patrem in multos atomos partita; gementem,  
Et dubium vitae natum praetervolat: audax  
Militibus facienda suis dum fortè Tribunus



Admonet, infensum, trajecto gutture, telum  
 Impedit offuso vitam, vocemq; cruore.  
 Inde phalanx densum cuneum firmabat, ab hoste  
 Murmure cum stridens crepero globus advolat, auras  
 Per medias ruit indomitus, cæcoq; cruentus  
 Delectu impulsos trudit decimator in Orcum.  
 Iamq; ita vesano resonabant cuncta tumultu,  
 Ut non ulla ducum miles præcepta monentum  
 Auribus accipiat, sibi dura per omnia miles,  
 Dux, & miles adest; memori præcepta revolvit  
 Mente, rudis primâ didicit quæ tiro juventâ,  
 Durâq; magnanimâ virtute pericula temnit.

Dumq; ita longinquis pugnares eminens armis  
 Missilis insigni tempestas strage fatigat,  
 Contiguus congressus adest, propiora triremes  
 Bella gerunt, manicis cœunt, uncoq; rapaci  
 Amplexum hostilem rapiunt, lateri latus hæret  
 Impactum, oppositis stant rostra allisaq; rostris.  
 Iam pavor excutitur, segnisq; ignavia; reddit  
 Audaces spes nulla fugæ, pontusq; timori  
 Invis. Heroûm delecto fervida virtus  
 Ense furit, tereti q; caput, quâ gutture pendet,  
 Amputat, exanimum prosternens vulnere truncum.  
 Hostica dum telum hic suspensa per ilia mittit,  
 Dilecti imprimis tremulo celer hostis amici  
 Transadigit pilo femur: hinc mucrone gementem  
 Dum Pius elidit vitam, lethalis arundo  
 Excipit incautum, inferias huncq; immolat umbris.  
 Turca repugnanti scapulas dum fortè fidelis  
 Transfigit jaculo, vindex venit hasta, nocentem,  
 Perterebratq; manum. Remex non segnior istis  
 Bella movet, servile genus, lapidumq; procellas



*Letiferas ciet: obscuris his splendidus armis  
 Sæpè cadit Ductor: pectus, crus, terga, lacertos,  
 Frustaq; dispersi videas contusa cerebri.  
 Nec minùs horrendos edunt tormenta boatus,  
 Quis simul ut flammam immisit jaculator, ab hoste  
 Glans volat, huic solido rumpens cava tempora plumbo.  
 Iam licet horrifero tonitru commotus Olympo  
 Fulminet Omnipotens, nulla tamen aure tonitrum  
 Accipiant acies, tanto tormenta fragore  
 Ingeminant, tanto tinnituq; ensibus enses  
 Conserti strident, validis vibrata lacertis  
 Pilaq; & errantis vacuum per inane sagittæ  
 Murmur, inhorrescant gemitus, planctusq; dolentum  
 Vulnera, clamores, & inania iussa bonorum  
 Crebra ducum, abruptis resonant fragmenta carinis.  
 Nunc freta concreto videas stagnare cruore  
 Mosaica Phariis virgâ seu contigit undis.*

*Haëtenus ambigua concurrere sorte placebat  
 Numinibus, Fortuna, tuis quæ fronte serena,  
 Et torvo inconstans vultu frustraris utrunq;  
 Hic fera Germano certans Bellona Gradivo  
 Cedibus, antiquas a vidè grassatur in artes.  
 Quò magis infanda bacchatur cede Gradivus,  
 Et numero minor est acies, magis aggerat iras  
 Et furor, & misto gravis indignatio luctu.  
 His aurâ aspirat placidâ modò, gratior illis  
 Mox animos reficit lapsos victoria, jam jam  
 Instaurare novo credas certamine pugnam.  
 Heu! miseret, gelidoq; tremunt horrore capilli,  
 Christicolûm subit ut miserande cladis imago:  
 Dædala me series, & inextricabilis error  
 Implicitum tenet, Omnipotens, Spiraminis Almi*



## 30 Naupactiados Regiæ

*Ceca mihi deduc filo vestigia, portum*

*Euge! euge! optatum video! gaudete, Fideles!*

*Aurea jam properis volat huc victoria pennis.*

*Hoc dum successu fremerent utrinque phalanges,*

*Ductor Iber partes oculos deflectit in omnes,*

*Non procerum, non ulla ducum præclara moratus*

*Nomina, defixis Alium generosus in unum*

*Luminibus ruit, haud alius deponitur armis.*

*Ergo ubi correpta manicis hæere triremes,*

*Consimili ac ipsas, fortuna incerta, cohortes,*

*Exercet levitate duces: nam quatuor ex quo*

*Turrigeræ magno tonitru fremuere triremes,*

*Fulmineo scloppi vomitur flammantis ab ore*

*Plumbea grando, cadunt funes, cæsiq; rudentes,*

*Strata cadaueribus squalent tabulata cruentis.*

*Jam pilis, jaculisq; & acuto cominus ense*

*Certatur, primis cum palma affulget Iberis.*

*Magnanima siquidem juvenum stipante caterua*

*Ipsc æsimis flagrans Alianæ impervia turris*

*Adsilit indomito dux propugnacula furore,*

*Confestim irrumpit, celsam totisq; triremem*

*Viribus ingreditur, nec & hic subsistere longum*

*Fas erat, hunc etenim Bassa exundantibus actus*

*Fluctibus irarum grassantem robore, viq;*

*Excipit invicta, pulsum, fustumq; triremi*

*Exigit: ingenti Heroas & stragē fideles*

*Submovet: Austriades stragem indignatus acerbam*

*Indomitum farit, hinc virtus Mavortia vires*

*Suscitat, hinc pudor, hinc rabido indignatio gestu*

*Pectora terribiles animosa flagellat in iras.*

*Stat casus renovare omnes, ingentibus ausis*

*Vel reparare decus, vel mortem laude pacisci.*

*Quin*



Quin modò perculsis redit in præcordia virtus  
Militibus, denso restaurant agmine Martem.  
Irruit Austriades rapidus, non arma, nec ullus  
Bellator sufferre valet; jam Bassa supremum  
Perfugium, puppis vanum sibi querit asylum.  
Cum Macedo, Macedum decus immortale, suoque  
Dignus Alexandro, vivâ speraptus honorum  
Involat, infelixq; caput rotat ense, Ducique  
Donat ovans victor non indonatus Ibero.

Hoc ubi supremi defixum in vertice mali  
Turcigenæ vidère, fugam meditantur inanem.  
Precipites, dirâ victor quam cede coercet:  
Nec Selymo tantæ rediisset nuntia cladis  
Fama, nisi fuis Melitani heroibus albi  
Ter denis, Ochial, remeasset fortè carinis.  
Jam patuit vicisse Piis, gratèsque benigno  
Persolvère Deo, & leti duodena Piorum  
Millia servitio numerarunt rapta profano.  
O decus, Austriaci clarissime nominis Aster!  
Splendorem truculentatum quid fata? Sorores  
Lanificæ cæco tantum invidère quid orbi?  
Quid micuisse tibi, non illuxisse licebat?

Interea Pontonox pallida surgit opaco,  
Et placidâ Morpheus demulcet lassâ quiete  
Corpora, sopitis mollitque animalia curis,  
Cum vigiles Veneti dubiis eventa morantur  
Mentibus; optati spes exsultantia tollit  
Corda, sed hanc miseræ cladis formido coercet:  
Nolentes audire volunt, noluntq; volentes.  
Ast ubi Turcigenas memorandâ strage subactos  
Aurea fama canit totam diffusa per urbem,  
Virginibus mistæ matres, hilarèsque puellæ



*In medium salière forum, sociæq; choreas  
Instituunt, quarum Princeps præit omnibus odâ,  
Quam reliquus dulci modulans chorus excipit hymno.*

## Chorus Venetus.

**E**iâ, Deum, Veneti Juvenes, cantate, Senesq;  
Hunc dulci vox alta canat modulamine, voci  
Et comes accedat testudo, tubæq; , fidesq;  
Et quæcunque movent hilares concentibus aures.

*Eia, bonum laudate Deum, facilémque parentem,  
Cujus in afflictis nituit clementia rebus.*

*Nam modo cùm rabies Selymi furiosa tyranni  
Cassibus implicitos, & athena compede vinctos  
Impediit, bonitas Domini miserata dolores  
Cassibus expediit, laqueos, artésque nefandas  
Vertit in hostiles, mundo mirante, phalanges.*

*Eia Deum, Veneti Juvenes cantate, Senesque,  
Nunc juga qui nostro excussit servilia collo.*

*Mortifera scelerum contagia infecta luamus  
Pectora, sacratam Domini properemus in ædem:  
Et laudum ætherios superemus cantibus orbes.*

*Non classe indomita, non vi, non arte, nec armis  
Sed Jovæ auspiciis tumidum calcavimus hostem.  
Hunc tuba raucifonis celebret clangoribus, hujus  
Cymbala decantent benefacta, & tympana grates  
Huic pulsata canant; lyra, tibia buccina laudent,  
Barbitus, & motus quæcunque sonantia chordis.*

*Eia Deum, Veneti Juvenes, cantate, Senesq;  
Nunc juga qui nostro excussit servilia collo.*

*Dum Venetis blande mulcentur cantibus aures,  
Languidus ignavos torpor mihi serpit in artus,*



*Et caput enervum sponte in sopita recumbit  
 Pectora, defessos palpèbra obnubit ocellos.  
 Pigra soporifero manus obstupefacta veterno  
 Non calamus, pluteumve regit, me torpidus omnem  
 Somnus, & incerta certissima mortis imago  
 Occupat exanimem : cùm mox, quàm cornea pandit  
 Porta viam, mihi tranquillis Deus aureus alis  
 Morpheus obrepit, variis cui cedere formis  
 Ipse velit Proteus : huius mihi numine longis  
 Corpora solvuntur curis, & turbida vita  
 Tædia pacifico cedunt mollita sopore,  
 Cùm chorus interpret Superùm, divina propago,  
 Visus in obliquum glomerari his cantibus orbem.*

## Chorus Angelorum.

*E*ia Deum, Aligeri Fratres, celebremus, & omnis,  
*Succiduo nitidi qui poplite Presbyter Agni  
 Genna colit, resonent ejus cælumq, solùmque  
 Laudibus : aternus fuit, est, semperque manebit  
 Hic Deus, in trino Deus unus, trinus in uno.  
 Hic Deus in nihilo vastæ fundamina terre  
 Condidit, ardentes globulis stellantibus orbes  
 Finxit, & ex nihilo, tellus quæcunque capaci  
 Complexu, & cæli testudo volubilis ambit,  
 Hæc regit, hæc stabili firmissima lege tuetur,  
 Hunc magis, atque magis cantemus ubique Parentem,  
 Qui numen, nomenq, suum celebrare volentes  
 Prosequitur patriæ miro bonitatis amore.  
 Quin nec inexhausti tantùm beat ubere cornus  
 Hos Deus, æternis signata volumina Fastis,  
 Et certam eloquii constanti pectore normam*



Qui recolunt; verum & varii commenta cerebri,  
 Stultaq; divino miscent qui insomnia verbo.  
 Testis erit toti per sæcla perennia mundo  
 Palma recens, summis merito decoranda triumphis,  
 Quæ data fucatis Christi est cultoribus, audent  
 Qui Chaos ætheriis miscere informe Libellis.  
 Si Pater Omnipotens tanto dignatur amore  
 Immunes turpi scelerum se labe professos;  
 Hic Deus, o quantis cumulabit dotibus illos,  
 Qui scelerum sese baratrum lethale fatentes  
 Præsidium statuunt solum Bonitatis asylum?  
 Si Deus auxilio reficit, quos nulla salutis  
 Spes tenet, & dubiis fidei jactantur in undis;  
 Quanta piis dabit afflictis solamina, quorum  
 Cordibus incidit vitæ monimenta beata?  
 Si Deus instantis lethi de faucibus istos  
 Eripuit, quorum impietas furiosa colendos  
 Indigetes, multosq; sibi fabricavit Iesus,  
 Continuis Dominum precibus quæ turba fatigat  
 Unigenam, solumque unum veneratur Iesum,  
 Quid mortem? aut Stygiæ metuat tormenta Gehennæ?  
 Hic si crusticolas inimicis liberat armis,  
 Qui, scelus horrendum! O Satanae furiale venenum!  
 Orbiculatæ colunt ioculari crustula ritu,  
 Quâ tandem emeritos Dominus mercede beabit  
 Christicolas, quos non Draco, lucrum, flamma, nec ulla  
 Arma salutifero poterunt divellere Christo?  
 Si mansueta Dei patet his Clementia, quorum  
 Frontibus impressum stigma est lethale, character  
 Sacrilegi fraudum, & scelerum patris Antichristi,  
 Cedibus infandis, flammisque voracibus atrox  
 Qui lupus innocuum Christi insectatur ovile.



O igitur! quanta immensi diffundet amoris  
Flumina Christicolis, miserè quos horrida vexat  
Impietas, quorum electis insculpta leguntur  
Frontibus aeternæ signa expressissima vitæ?  
Has Deus errorum tenebras, noctisq; profunda  
Nubila, quæ ceca involvunt caligine mundum  
Discute, multiplici finemq; impone labori.  
Eia Dei rerum Domini, belliq; potentis  
Aurea dulcisono Bonitatem ad sidera cantu  
Tollite, cui magni par nil habet orbica mundi  
Machina, vos ejus cantate encomia: & uno  
Dicite, Bellipotens Sancte O, Sancte ô Deus, ore.  
Hæc ubi dicta, chorus tenues vanescit in auras,  
Claraq; depulso redeunt mihi lumina somno.

Vos igitur, propriam Domini Clementia sortem  
Quos sibi delegit, recto vestigia calle  
Sistite, bellorum nullis agitata procellis  
Pectora deficiant: nam si retulisse triumphum  
Christicolis dedit umbratis. O credite, verum  
Corpus erit vanâ Domino jucundius umbrâ.  
Undique septijugæ decicornis bellua Romæ  
Usque fremit licet, hos animis constantibus æstus  
Ferte Dei memores, ultor venit ecce, profanos  
Perdet, & ipse sibi decus asseret omne, piisq;  
Gaudia perpetuæ dabit immortalia vitæ.





# THOMÆ MORAVII

PAUCULA QUÆDAM  
SCHEDIASMATA.

Ad Regem cùm publicas Authoris  
*De Regum in Reges Fure, Furis eiusq;*  
dictione exercitationes Edinburgi ANNO

1599. habitæ suæ Majestatis præsentia  
aliquoties illustrasset

## EYXAPIΣTIKON.

**Q**uod Regum in Reges jus clementissimus audis,  
Posthabitis regni sollicitudinibus,  
Mancipio nexuq; tuus; mea sint tua quando  
Cuncta, tibi quod dem, nil mihi sit q; meum,  
Opto, tuum Deus in Reges jus vindicet: opto  
Det Deus, ut Regnis, Rex, potiare tuis:  
Christicolis tutor, patriæ Pater, hostibus ultor,  
Amplifices Scoticum faustus & Imperium.  
Tu clemens, justusq; regas; tibi sæcla peroptent  
Cuncta, sed inveniant sæcula nulla parem.  
Quid votis? vota hæc superas: cui nil super, optet,  
Nil superest, faciat: quod superest, taceat.

Ad



## Ad eundem. Aliud

**P**ost varios casus, post tot discrimina vitæ  
 Das mihi quòd Latium, Rex I A C O B E, tuum.  
 Quòd tandem in sacris spondes mihi leta Camenis  
 Otia, quæ meritis gratia digna tuis?  
 Nulla: mea poterunt Latia sed si qua Camenæ,  
 Non patiar laudes, crede, latere tuas.  
 Quin tua, quæ totum illustrat, clarissima mundum  
 Musa, canam Musis quàm sit amica meis.  
 Laudibus Imperii tua nunc stat gloria; posthac  
 Stabit, & in Musis vivet ubique tuis.  
 Scilicet eternam Sceptra, & Diademata famam  
 Non pariunt, pereunt; quæ pariunt, pereunt.  
 At Musæ his vitam, Musæ his per secula famam  
 Cùm pariunt, vivunt ipsa ea, quæ pereunt.

## Ad eundem anno 1604. oblatus Janus.

**N**unc redit & mundi Janus renovator, & anni  
 Janitor, Urantias nunc aperitq; fores.  
 Hic cæli, hic Superùm, Fatiq; interpret, in isto  
 Singula mox quæ sunt orbe futura, docet.  
 Augusto tibi, Rex, monet, Augustaq; futura  
 Et Proli, & Regnis omnia fausta tuis.  
 Tu quoque præsentis (Jano nos credimus) anni  
 Arbiter, & Regum, Rex, Moderator eris;



Conjungesq; tuos eternâ pace Britannos,  
 Et tolles prisca nomina dissidii.  
 Non Scottus, non Anglus erit; sed uterq; Britannus,  
 Aut prisco Albinus nomine dictus erit.  
 Vindice te, Pietas jam longum afflicta resurget,  
 Purus & antiquæ religionis honos.  
 Vindice te, cælo terras Astræa relicto  
 Incolet, hic solium constituetq; suum.  
 Vindice te, doctis erit ingens gloria Musis,  
 Virtuti & proprius nunc sine fraude locus.  
 Vindice te, tandem Impietas scelerosa peribit,  
 Et sitis injusti sanguinolenta mali.  
 Vindice te, tandem Virtuti inimica facesset,  
 Et miseris Musis invida Barbaries.  
 Vindice te, fœlix nunc tota Britannia, totus,  
 Te quoque nunc, fœlix, vindice, Mundus erit.  
 Hæc Janus. Jano sed qui non credit, is ipsi  
 Non sibi, non oculis credit & ipse suis;  
 Nempe bonis, nisi tu, Rex, sis spes certa, malisq;  
 Terror; iis post te spes, neque terror erit.

---

Ad Eundem προγινωσκον.

QUæ fuit à toto divisa Britannia Mundo,  
 Divisa & populis quæ fuit antè suis,  
 Te Duce, cum toto nunc una Britannia Mundo  
 Fiet, erit populis semper & una suis.  
 Tu quoque jam regnis pacem dabis omnibus, aut tu  
 Rex subiges armis omnia regna tuis.  
 Nempe hoc Imperii Fatum est, fortunaq; summi,  
 Fertur in æstivi tramite Solstitii  
 Surgit ab Eoa, Occiduam devertit ad Arctum,  
 Caput in Assyria, desinet in Scotia.

Capit



*Quæ fuit Imperii Romani Scottia finis,  
 Omnibus Imperiis Scottia finis erit.  
 Scilicet est Soli, & magno quæ Scottia Mundo  
 Finis, erit Summis finis & Imperiis.*

---

**Ad Henricum Iacobi Magni filiū,  
 Britanniarum, & Hiberniæ Principem  
 Aliud.**

**M**agne Puer, magnis procreate Heroibus; Heros  
 Major &, O! atavis ipse future tuis.  
 O decus eximium sceptri! O spes fida Parentis!  
 O Mundi! O Patriæ gloria summa tuæ!  
 Tu cælo quidquid magnum est; tu quidquid in isto  
 Orbe fuit magnum, jam Puer unus habes:  
 Magnus in angusto nam splendet Iuppiter ore,  
 Mars, Venus, in facie Phæbus & ipse tua.  
 Ipse tuâ nobis describitur indole Cyrus,  
 Cum Puer Astyagem visere gaudet avum;  
 Ingenio Magnusq; tuo, presente Philippo,  
 Cum domat indomitum pulverulentus equum.  
 Numinibus si vis ulla est caelestibus; olim  
 Si Cyro, & Magno gloria magna fuit,  
 Crede, tuis sub te veniet permagna Britannis  
 Gloria, quasito fortiter Imperio;  
 Gloria non Græcis domitis, Persisve, Syrisve;  
 Gloria Romano sed pereunte Lupo.  
 Nec mirum hoc; Fati effatum est immobile summi,  
 Scottia Romanum finiet Imperium.  
 Inde fit, ut Scotici sit tandem, Henrice, Leonis  
 Splendida, Romanus, præda futura, Lupus.



---

In Regii Nominis Anagrammata  
*quædam, ex quibus Regi Anglicum  
 Regnum deberi Anno 1600.  
 eruebatur.*

---

**O**mina nominibus quid certa subesse retextis?  
*Quid certam & certis esse sub ominibus  
 Rem dubitas? probat ominibus Rex esse sub ipsis  
 Rem; certa & versis omina nominibus.  
 Quisnam igitur dubitet? spero tandem fore, tota  
 Anglia, si dubites, Anglia tota, probes.*

---

In Roseum quoddam sertum Poeticum  
 Regi eodem anno oblatum.

**Q**uod Roseum tibi, jam sertum datur, ominor illud  
*Cui Rosa jam signum est, Rex, fore, Magne, tuum.  
 Hoc durum: in duris Rosa spinis nascitur, ex his  
 Queritur, at spinis absque, vides, geritur.*

---

In redivivum Musarum sub Jacobo  
 Rege decus.

**E**t Luci, & Musis Phæbus dux fertur; ab orbe  
*Quod Luce, & Musis Sol abigat tenebras.  
 Nam sine Sole nihil lux est, nil Musa, per ipsum  
 Abs his barbarica diffugiunt tenebra.*



*Hinc fit ut, à multis cùm Sol defecerit annis,  
 Omnia sint tenebris abdita Cimmeriis.  
 Haud decus, haud Musis fuerit locus; omnia priscum  
 Ad Chaos, & ruerint omnia barbariem.  
 At novus ex quo Sol Jacobus luxit, ab orbe  
 Fûgit ad obscuras barbaries tenebras.  
 Ergo suum Musis quis jam non speret honorem?  
 Sol sedet in solio, Musaq; consilio.  
 Sole sub hoc Musis nisi jam sit splendor, & orbi  
 Et Soli, & Musis, heu! metuo tenebras.*

---

## *In rarissimum Elizabethæ Anglæ regnum.*

*S*erva, quid Augusti fœlicia secula? demens,  
 Quid proba Trajani secula, Roma, canis?  
 An fœlix queat esse, suos, Patriamq; furenter  
 Qui jugulat vivens, qui sepelitur moriens?  
 An probus, insigni claros Probitate, Fideq;  
 Qui necat? in summum qui movet arma Deum?  
 Rex probus, & fœlix tantum is, vivensq; cadensq;  
 Qui facit, ut Probitas, Patria, stetq; Fides.  
 Ter proba! ter fœlix! tu tres Virgo una ruentes  
 Stentq; facis vivens; stentq; facis moriens;  
 Nec modo stent, facis; emoriens facis, usque triumphent  
 Dum Scotiam sceptris addis, Eliza, tuis;  
 Afficta Alcide ut credat verissima, credat  
 Mundus Amazonidas, atque Semiramidas;  
 Ut ficta, abs aliis credat quis facta; sed abs te  
 Facta, stupens credat ficta, videns oculus.



In verissimam Alexandri Dicsoni,  
& Authoris amicitiam.

*UNA erat in binis semper mens, una voluntas;  
Unus & in bino corpore sensus erat;  
Unus erat binis dolor; oblectatio binis  
Unaque; spes binis una, metusq; fuit.  
Unus amor binis; una aversatio binis;  
Una etiam binis ira, odiumq; fuit;  
Unus erat nobis labor, una & cura duobus;  
Una etiam nobis vita duobus erat;  
Sic duo non duo sunt; unus non unus; at unus  
Est duo; nunc duo sunt viris; utrumque simul:  
Sic ego Dicsonus; fuit ille Moravius; & sic  
Unus uterque fuit; neuter uterque fuit.*

Nobilis cujusdam in ipsa nuptiali  
pompa extincti ad omnes mor-  
tales *ἄποτρεπτικός.*

*Q*Uam falsa hæc misera, sint vanaq; gaudia, vita;  
Qui cupis exemplo discere, discite meo:  
Dum cantatur Hymen; dum gaudia leta, chorosq;  
Instruo; dum gratum sponsa parat thalamum;  
Mors fit Hymen; pheretrum coniunx: mihi gaudia luctus;  
Et chorus exsequiæ; fit thalamus tumulus.  
Deliciis, vita ô fallax! cum subsit in ipsis  
Mors, pheretrum, luctus, exsequiæ, tumulus.

Anonymæ



Anonymæ cujusdem ( quæ mari-  
tum, cui invita nupsit, fustulit, & insigne  
*documentum in ipso extremo supplicio, anno  
1600. omnibus mortalibus jam mo-  
riens reliquit) ad viatorem*

**Aliud.**

**D**isparis, en! vitæ speculum mortisq; ; coacti  
    *Omniibus exemplum triste feror thalami:*  
*Nulli grata magis mors, vita minusque ; beata*  
    *Nulla minus thalamo, nulla magis tumulto.*  
*Disce, parens, natis dare libera vota ; tueri*  
    *Disce maritalem, vir, mulierq; , fidem.*  
*Disce O! quem scelerum absorpsit metuenda vorago,*  
    *In summis veniæ spem fore criminibus.*  
*Nec crebrò hac veniæ Phœnix venit ; unica seclî*  
    *Est avis, hanc pauci, qui cupiunt, capiunt.*  
*Ergo mori bene qui cupies, bene vive, viator,*  
    *Nec spera hanc nostram, dum male vivis, avem.*

**Ejusdem Aliud.**

**V**ita mihi mors est ; mors vita ; perenne meorum  
    *Opprobrium vivam, delictum moriar.*



In summam Illustrissimæ Heroinæ  
*Catharinæ Borboniæ, Henrici Franco-*  
*rum, & Navarrorum Regis sororis uni-*  
*cæ, in verè Christiana Religione*  
*constantiam.*

**G**loria fæminei fuit hæc rarissima sexus,  
 Stemmatis, & patriæ flos, Catharina, sue.  
 Fæmineis sexum superavit dotibus omnem,  
 Constanti & summos robore nymphea viros.  
 Hinc dubium, majusne decus sibi fæmina victrix  
 Attulit, an victis dedecus illa viris;  
 Artibus, haud dubium tamen est, hanc mille petitam,  
 Viribus innumeris nec potuisse capi.  
 At sine vi, sine fraude ipsi nos vidimus ipsum  
 Attoniti Martem, proh! sine Marte, capi.  
 Ergo, Deo duce, cuncta potest si fæmina, magnus  
 Hoc sine si Mavors ipse potestq; nihil,  
 Disce, vir, hinc fragilem stolidè nec temnere sexum,  
 Nec tumidè vires amplificare tuas.  
 Sed mirare Deum, qui nos tollitq; premitq;  
 Cùm libet, arbitrii pro ratione sui.  
 Huic age pro tantâ grates memor Heroïnâ,  
 Quæ potuit nullis succubuisse malis.  
 Cuncta licet retrò videas tu secula, majus  
 In victæ exemplum non Pietatis habes.  
 Dum vivet Pietas, & erunt exempla; perennis  
 Vivet, in exemplis primaq; semper erit;  
 Semper erit prima hac, semper si primaq; vivet,  
 Stultus es, hanc quisquis jam periisse putas.

Eidem



## Eidem Epitaphium.

**C**ui genus, ingenium, pietas, prudentia, virtus  
 Summa fuere, sub hoc marmore Nympha jacet.  
 Non jacet hac, fallor: vitam hanc erecta per omnem  
 Quae stetit, in caelo est viva, jacere nequit.  
 Hac stat, & ô vos! vos! Papanâ in face jacentes  
 Excitat, exemplo stare jubetq; suo.

Cæcilie Vemiae lectissimæ, & rarissimæ  
 Gulielmi Moravii Tilibardini  
 conjugii, in ipso ætatis flore, summo  
 omnium merore extinctæ, Aliud.

**Q**uæ roseo vegeta rapta est in flore juventa,  
 Qui cupitis, Vemiam noscite Cæciliam;  
 Huic genus augustum, facies divina, benignus  
 Vultus, iis corpus conveniensq; fuit.  
 Vita insons, sine labe pudor, mens casta, pudicum  
 Pectus, huic morum gratia summa fuit.  
 Vox blanda, & sermo facilis sine felle, nec unquam  
 Sæva fuit cuiquam lingua, gravisq; manus;  
 Una fuit Virtus justum observare, piumq;  
 Semper, & ad nullum vergere flagitium.  
 Ætatem, & sexum vicit prudentia, vicit  
 Humanam Pietas, Relligioq; fidem;  
 His ego divinis cumulatam dotibus hanc non  
 Jam credo humanam, credo sed Angelicam.



*Quid dico Angelicam? verus fuit Angelus hæc, quæ  
Nobiscum humanâ vixit in effigie.*

---

## Alexandro Dicsono Aliud.

**Q**ui Cælum, Terram, Oceanum, Mundumq<sup>ue</sup> tenebat,  
Dicsonum exiguis non tenet hunc tumulus;  
Non Cælum, Terra, Oceanus, non maximus isto  
Dignus Alexandro Mundus erit tumulus.  
Nam Cælo, Terrâ, Oceano, Mundoq<sup>ue</sup> soluto,  
Nulla hunc mors solvet. Nullus erit tumulus.

FINIS.













